

sistentia, quod dum fluit, continuitatem non abrumpit, ex decoctis plantarum cum melle, vel saccharo eliquato, ad crassam mellis consistentiam, ad custodiam eius coctum.

Veteres loco syruporum succis radicum, herbarum & fructuum, quos melle componebant, vsi sunt, vt videre est apud Galenum *b*. Apud Æginetam *c* & Aetium *d* multa sunt eiusmodi, quorum alia dicuntur propomata; alia potiones suaves, alia potiones vtilis. Propomata, *προπόματα*, erant dulces prælibationes ex *e* vino & melle apparatus: Vel vt plurimum, vina medicata, aromatib. herbis, radicibus condita, vt videre est apud Myrepsium *f*. qui confectiones varias proposuit, sic dicta, quia instituta erant, vt ceteris cibis præpotarentur, quo appetitum excitarent. Quare vina factitia Trallianus propomata vocauit.

Potiones vero vtilis & iucundæ, vt scribit Ægineta, fiebant ex succis vna cum melle, nec vinum miscebant, quia in febricitantibus vtebantur. Fiebant ex succis pomorum, prunor. cerasorum; in summa ex omnibus succis fructuum dulcium & suauium.

Iuuenti fuere syrupi tribus potissimum de causis. Primo cum necessum sit in morbis præparare, alterare, roborare, nec quouis anni tempore herbas vel earundem succos habere liceat, vt possent conseruari, syrupi iuuenti sunt: dein quia sæpe affectus præparationis moram ferre non potest: tum vt medicamenta sint suauiora, quare melle & saccharo condiuntur. Sunt autem duplices: Alii simplices, qui vsuales Practicis dicuntur: alii compositi, qui magistrales appellantur.

Simpli-

*b de compositione med.
κατὰ τόπους.*

c lib. 7. c. 15.

d tetrab. 3.

f serm. 1. c. 30.

e Athan.

lib. 2.

Plutarch.

lib. 8. synop.

quest. 9.

f sect. 38. à

cap. 46. ad

71.